



Universitätsbibliothek Paderborn

**Elogia Societatis Iesv Sive Propvgnacvlvm: Pontificum,
Conciliorum, Cardinalium, Antistitum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Cassiodorus Reinius n. 49

urn:nbn:de:hbz:466:1-38486

*Excitata
diuinitus
ad tutandam
Catholicæ
fidei veri-
tatem.*

*Et Religio-
nun in-
stauratio-
nem.*

*Iesuitis de-
bet Cathol.
Religio
quod ex
tota Ger-
mania non
exulauerit.*

*Et quod
Iapones &
Iaponia
Reges bap-
tizati sint.*

*Romanos;
Pontifici
obedien-
tiam spon-
derent.*

chorum numerum ex varijs Sueciæ Monasterijs ad Academiam illam missorum, qui auscipijs, atque ductu Societatis IESV, ad tutandam Catholicæ fidei veritatem, & Religionum instaurationem diuinitus exercitæ humanioribus literis, & Philosophiæ, ac Theologiæ strenue operantur: quos vbi confecto studiorum curriculo, Antistites sui reuocarent, alios in eorum locum submittent, quibus similiter alij Deo iuuante deinceps succendent, vt vsque in hortos Dei, siue Magisteria, ligna felicia & fructifera transferantur, quæ dent fructum in tempore suo Ps. 1. quæ per singulos menses afferrant primitiva, quorumque fructus sint in cibum, & folia ad medicinam Ezech. 37. Et in Epist. quam Augustæ Vindelicorum 11. Idus Julij ann. 1630. ad Illustriss. Mottmannum Romæ Rote tunc Auditorem, totaque Germania notum scripsit, hoc de nobis celebre testimonium dedit. Negare tamen (*inquit*) nec velim, nec audeam ipsis (*scilicet Iesuitis*) post Deum hanc deberi gratiam, quod Catholicæ Religio ex Vniuersa Germania exulatum non iuerit. *Hac*tenus Scioppius Hæreticus licet apud P. Alber. supra pag. 475. num. 102.

49. A CASSIODORO REINIO *In descriptione Regni Congi, & Africani*, quam olim fecerat Philippus Piga Festa in 2. Par. Indie Orientalis cap. 28. pag. mihi 68. qui loquens de Iaponum conuersione; Multi (*inquit*) post aduentum Iesuitarum baptizati, & ad Christianorum Religionem animos applicuerunt: & in dies plures ad eam accedunt: quin tres Reges ex ipsis baptizati sunt videlicet Rex de Bungo, qui inter reliquos summus est, per totam Iaponiam, &c. Baptizatus est Rex Arima, atque Rex de Omura. Tres modo dicti Reges filios suos, & consanguineos cum Iesuitis in Indiam mittebant, vt in Portugalliam nauigarent, & tandem Romanam usque deuenirent, vbi se sub Pontificis potestatem traderent, obedientiamque sponderent, &c. Quæ quidem omnia facta sunt à Iesuitis, vt eo plures ad Christianam fidem conuertent, vti dictabant illi, vtque apud Iaponenses auctoritatem habe-

haberent, atque fidem in prædicanda Europæ magnificen-
tia, aliter enim ægrè persuadendi Iaponij, &c. Hæc Cassiodo-
rus. Qui cum plures de eisdem Iesuitis columnias spargeret, quas hæ-
reticale suppeditabat odium, non potuit eorum apud Iaponie in-
colas opinionem summam reticere, dum dicit: Quantum ad fidem
accessit, obtinent Magistratum non in Ecclesiasticos tantum,
sed etiam in politicos: persuadent enim Iapones sibi quæ vo-
lunt, vnde pro Dijs fermè coluntur, tantamque apud Iapo-
nes habent auctoritatem, ut parum absit, quin adorentur pro
sanctis. Haec tenus de Iesuitis homo Hæreticus.

50. A LVTHERANIS: Fulde in Germania anno Christi 1585.
fuit Sacerdos magni nominis Concionator, ad quem tota fermè Ciuitas
confluebat; quod & spem faceret Communionis Dominicæ sub vtra-
que specie restituende (eam enim sub initium Collegij nostris sustule-
rat Teuthonici Ordinis Magister, & Abbas probitate præstans fun-
dator noster) & familiam nostram insectaretur; ut tantum non ad
heresim vergere eius mens, & Oratio videretur. Hic dum de Sacri-
legis nuptijs, magnorum virorum patrocinio nixus, non minus libere,
quam impudenter agit, repente & quisissimo Dei iudicio, mortifero cor-
reptus est morbo. Nostris ut suas iniurias benefactis remunerarentur,
& agro corpori, animoque succurrentum putarunt; bortantur ut se ipse
respiciat, & meditatum facinus detestetur: Quod ille & fecit, & qui
tandem sinceri amici numerarentur, agnouit. Agenti quoque animam
præsto fuerunt, funus curarunt, oratione funebri mortuum, ut solet,
ornarunt, ut admirari se vehementer dicerent Lutherani, Quod Ie-
suitæ & viuis nossent inimicis benefacere, & vita extinctis. Ita
apud P. Anton. Dauroulium in Flor. exemplor. sine in Catechismo
suo Historiali cap.7. Tract. 92.n.8.

51. A MORAVIÆ PRÆSIDE: Cui, cum lege municipalē
preciperetur, belli tempore, omnes etiam Dynastas, & ipsum Olomu-
sensem Episcopum ad Provinciae fines hostili excursione prohibendos
proficiisci, placuit tamen homini licet Hæretico, hoc onere P. Rectorem
Brunensem liberare. Adiecit etiam verborum honorem: Non esse
apud Iesuitas cessationi locum; (de Scholis loquebatur ille) ne-

M m m 2 que

Socij apud
Iapones pro
Dijs fermè
coluntur.

Ac pro
Sanctis.

Eorum
charitas
erga ad-
versarios
Lutheranis
admiratio-